

# G E N E S I S.

chàorach 'nan luidhe làimh ris ; oir as an tobar sin thug iad uisge do na treudaibh : agus *bha* clach mhòr air beul an tobair.

3 Agus chruinnicheadh a dh'ionnsuidh sin na treudan uile; agus charuich <sup>a</sup> iad a' chlach bhàrr beoil<sup>b</sup> an tobair, agus thug iad uisge do na caoraich, agus chuir iad a' chlach a ris air beul an tobair 'na h-àite féin.

4 Agus thubhairt Iacob riu, Mo bhraithre, cia as *a thàinig* sibh? Agus thubhairt iadsan, O Haran *thàinig* sinne.

5 Agus thubhairt e riu, An aithne dhuibh Laban mac Nahoir? Agus thubhairt iadsan, 'S aithne dhuinn.

6 Agus thubhairt e riu, Am *bheil* e gu math? Agus thubhairt iadsan, *Tha* e gu math: agus feuch, *a ta* Rachel a nighean a' tighinn leis na caoraich.

7 Agus thubhairt e, Feuch, 'se fathaft àird' an latha *a t'ann*, agus cha d'*thàinig idir* am chruinneachadh na spréidh: thugaibhs' uisge do na caoraich, agus rachaidh *agus* inealtraibh *iad*.

8 Agus thubhairt iad, Cha 'n urradh sinn, agus an cruinnichear na treudan uile 'n ceann a chéile, agus *gus* an caruichear a' chlach bhàrr beoil an tobair; 'an sin bheir sinn uisge do na caoraich.

9 Agus am feadh a bha e fathaft a' labhairt riu, thàinig Rachel le caoraich a h-athar; oir b'i *bha 'gan* gleidheadh <sup>c</sup>.

10 Agus 'nuair a chunnaic Iacob Rachel nighean Labain bràthar a mhàthar, agus caoraich Labain bràthar a mhàthar,

'an sin chaidh Iacob a'n fagus, agus charuich e chlach bhàrr beoil an tobair, agus thug e uisge do chaoraich Labain bràthar a mhàthar.

11 Agus phòg Iacob Rachel, agus thog e suas a ghuth, agus ghuil e.

12 Agus dh'innis Iacob do Rachel gu'm *b'e* bràthair a h-athar e, agus gu'm *b'e* mac Rebecah e: agus ruidh i; agus dh'innis i d'a h-athair.

13 Agus 'nuair a chuala Laban sgeula Iacob mhic a pheathar, 'an sin ruidh e 'na choinneamh, agus ghabh e 'na ghlaicibh e, agus phòg fe e, agus thug e d'a thigh e: agus dh'innis e do Laban na nithe sin uile.

14 Agus thubhairt Laban ris, Gu cinnteach 's tu mo chnàimh agus m'fheoil: agus dh'fhan e maille ris rè mìos.

15 Agus thubhairt Laban re Iacob, A chionn gur tu mo bhàthair, am buin e dhuit feirbhis a dheanamh dhomh a nasgaidh? innis domh ciod e do thuaraidal <sup>d</sup>.

16 Agus *bha* aig Laban dithis nigheana: *b'e* ainm na té bu shine Leah, agus ainm na té a b'òige Rachel.

17 Agus *bha* fùilean Leah anfhann, ach bha Rachel maifeach 'na dealbh agus sgiambach 'na gnùis <sup>e</sup>.

18 Agus bha gràdh aig Iacob air Rachel, agus thubhairt e, Ni mi feirbhis dhuit feachd bliadhnan air fon Rachel do nighinn a's òige.

19 Agus thubhairt Laban, 'S fear

<sup>a</sup> choruich. Eir.    <sup>b</sup> beil.    <sup>c</sup> 'g am biadhadh.    <sup>d</sup> ciod an tuaraidal a bhias duit.    <sup>e</sup> maifeach re amharc orra.